


三





名家詞鈔目錄

廬陵 聶先 晉人

纂定

長水 曾王孫 道扶

二鄉亭詞

萊陽 宋 琬 荔裳

如夢令 長相思

點絳脣 浣溪沙

卜算子 二調 採桑子

減字木蘭花 清平樂 二調



憶秦娥

生查子

攤破浣溪沙

眼兒媚

西江月 二調

醉花陰

浪淘沙 二調

鷓鴣天 二調

虞美人 二調

鵲橋仙

踏莎行

臨江仙

蝶戀花 一調

風入松 二調

滿路花

意難忘

滿江紅 四調

雙雙燕

高陽臺

念奴嬌

賀新郎 二調

沁園春 三調



一鄉亭詞

萊陽 宋 琬 荔裳

如夢令

離情

織女黃姑月月偏受天公磨折。正爾拜雙星。驀地燕  
南越北新月新月。乍缺乍圓似妾。

長相思

吳門夜泊

大江東。五湖東。地主今無皋伯通。誰人許賃春。聽  
來鴻送歸鴻。夜雨霏霏舴舻中。寒山寺裏鐘。

點絳脣

劉峻度席上聽女郎度曲



子夜清歌。隔簾疑在青天外。瓊簫玉管。莫把鶯喉碍。  
紗帽籠頭。卸却殘粧戴。嬌羞壞。廣場無奈。初學男  
兒拜。

浣溪沙 芳草

乍暖猶寒二月天。玉樓長抱博山眠。沉香火冷少人  
添。殘雪纔消春鳥哢。畫闌干外草芊綿。幾時青得  
到郎邊。

卜算子 榆錢二首

良冶讓天工。不怕銅山匱。鑄就青蚨億萬緡。亂向枝

頭寄。鵝眼易飄零。貫朽還垂地。欲付新豐舊酒樓。  
少箇開元字。

前調

且向庫中藏。却向林端挂。蕩子東君不作家。散作鶯  
花債。萬選繞叢懸。赤仄連青靄。滿地殘英誰主人。  
賤把春光賣。

採桑子 贈歌者陳郎

燈前倦倚嬌無力。臂作匡牀。重理清商。一串驪珠繞  
畫梁。暮雲朝雨今宵夢。錯賦催妝。何物王郎。醉裏



溫柔更有鄉

減字木蘭花

招友人遊湖

孤山之下。雨中正好看花也。待得晴時。杏嫁梅娠綠  
滿枝。空囊烏有。三百青銅難買酒。亟典春衣。莫待  
東君致政歸。

清平樂

春怨

楊花如雪。蕩子心腸鐵。恨殺嫦娥圓復缺。不管人間  
離別。怕簪碧玉搔頭。粧成懶下朱樓。樓上斷泥雙  
燕。呢喃似替人愁。

前調

輦上故人有為予勸駕者。作此詞謝之。

鼠肝蟲臂。總是君王賜。一曲狂歌千日醉。管領鷗斑  
鷺隊。故人天上吹噓。勸予重整簪裾。只恐中山毛  
穎。於今老不中書。

憶秦娥

有憶

朱闌畔。莫愁嬌小曾相見。曾相見。翠蛾羞斂。半遮團  
扇。畫梁依舊巢雙燕。藏鴉幾度垂楊換。垂楊換。桃  
花臨水。那時人面。

生查子

鞦韆



仙僊蝴蝶衣。窄窄檀香板。纖體欲飛颺。只恨春風軟。  
春葱玉指柔。香汗羅襦滿。侍女笑相扶。倩把雲鬟挽。

攤破浣溪紗 西溪訪陸處士作

三月楊梅正作花。板橋欹側俯晴沙。閒覓柴門無徑路。  
柳陰遮。燕子惚忙營社稷。蜂兒辛苦坐官衙。問著山翁都不識。野人家。

眼兒嬌 憶故園作

朝來沽酒典春衣。梅子雨初肥。杜鵑言語枝頭教。誨道不如歸。十年踪跡沙鷗是。負却舊漁磯。隣翁相候。山間茅屋。松下柴扉。

西江月 無題

傾國先呈皓齒。靈犀暗托瓠犀。麝蘭香沁茗甌時。中有醍醐妙理。春笋纖纖半露。燈前低斂蛾眉。禪心果否絮粘泥。珍重阿難戒體。

前調 舟中見麗人

綠水芙蓉掩映。青蛾欲展還顰。琉璃千頃碧無痕。怎比橫波一寸。畫舫搖搖近岸。岸邊偷覷防嗔。長年



何○幸○得○相○親○半○晌○輸○他○福○分○

醉花陰

閔園

雨○餘○天○似○柴○窰○碧○修○竹○穿○籬○出○滿○地○碎○秋○聲○白○鳥○青○  
蟲○生○長○芙○蓉○國○森○然○奇○鬼○池○邊○石○紅○葉○纏○青○壁○屐○  
齒○竟○忘○歸○醉○倚○層○樓○三○弄○楓○林○笛○

浪淘沙

秋旅

風○雨○十○分○驕○怒○似○江○潮○愁○來○我○欲○睡○鄉○迤○促○織○多○言○  
偏○不○允○枕○畔○叨○叨○強○半○客○僧○寮○琴○劍○蕭○條○一○枝○難○  
穩○愧○鷓○鴒○來○歲○西○牕○須○記○取○莫○種○芭○蕉○

前調

楊子中流望金山北面

誰○削○玉○嶙○峋○千○尺○雲○根○蛟○龍○深○護○海○西○門○金○碧○樓○臺○  
青○黛○樹○小○李○將○軍○雁○影○落○紛○紛○喚○起○江○豚○鐘○聲○兩○  
岸○客○邊○聞○登○陟○不○如○遙○望○好○倒○影○斜○曛○

鷓鴣天

贈說書韓修齡

豹○尾○班○中○侍○從○頻○滑○稽○似○爾○絕○無○倫○投○壺○那○得○天○顏○  
笑○只○為○恢○諧○郭○舍○人○楓○欲○落○雁○來○賓○蕪○城○明○月○恰○  
逢○君○開○元○供○奉○今○誰○在○抵○掌○雍○門○淚○滿○巾○

前調

遣懷



咄咄書空喚奈何。自憐身世轉蹉跎。長卿已倦秋風客。坡老休嗔春夢婆。朝梵筭暮漁簑。閒中歲月易消磨。誰言白髮無根蒂。只爲窮愁種得多。

虞美人 遣懷

一從勘破邯鄲夢。遇飲長須痛醉鄉。只道可藏愁。却被塞鴻呼起。又從頭。吳頭楚尾經年寓。岸上牽船住。非關王粲怯登樓。自是吾家家法善悲秋。

前調 過錫山秦園訪留仙太史不遇作

辟疆園傍春申曲。翠壑噴哀玉。畫橋宛轉客來稀。驚起一雙鶺鴒破烟飛。釣船空繫垂楊下。興盡須歸也。蔣家新釀不曾酤。却笑酒盃也似故人疎。

鵲橋仙 井蛙

草際持頤。泥中嚙齒。別號蟲中裸族。一謳羣和爲公。手偏則向人前怒目。雄踞東坡。長吟下里。宛矣公孫在蜀。董生何事。懶窺園看。不耐汝曹邊幅。

踏莎行 雁

楓落瀟湘。雪深幽冀。西風吹老蘆花穗。搗衣時節却飛來。一聲纔斷千行淚。帶雨還飛。飄零無次。蕭蕭



清影和雲墜。郎邊莫道少書來。長空寫盡相思字。

臨江仙 贈少年客

韋曲城南天尺五。翩翩公子豪奢。小平津外綠楊斜。  
金鞍雄百騎。蠻鼓醉三槌。一擲臬盧輸百萬。吳鈞  
光閃龍蛇。春衣夜宿杜陵花。情人劉碧玉。俠客魯朱  
家。

蝶戀花 旅月懷人

月去疎簾纔數尺。烏鵲驚飛。一片傷心白。萬里故人  
關塞隔。南樓誰弄梅花笛。蟋蟀燈前欺病客。清影

徘徊。欲睡何由得。墻角芭蕉風瑟瑟。虧伊遮掩。總兒  
黑。

一剪梅 思家作

飄泊東南劇可憐。朝采菱船。暮打魚船。愁中看遍好  
山川。鶯脰湖邊。菴書溪邊。問余何日賦歸田。說道  
今年。又早明年。故園消息久茫然。春燕來前。秋雁來  
前。

風入松 淳干焚墓

大槐安國舊邦基。蟻垤尚纍纍。麒麟高冢。祁連象。繁



華夢一枕龜茲。爲問秦樓公主。瓊簫曾否相隨。朱  
轡皂蓋。盡畫熊旗。千里罷征。策勳帶礪。今何在。羊開  
府。身後同悲。吾欲題君隧道。南柯太守之碑。

前調

訪張瑤星於松風閣不遇

雨花臺畔訪柴荆。匹練大江橫。鍾山紫翠斜陽外。虬  
龍影。幾陣松聲。曾共廬山高衲。小樓明月吹笙。短  
筇重過石頭城。懷舊不勝情。徵君結制棲霞寺。梧桐  
老。白鶴相迎。爲道二鄉居士。來尋三影先生。

滿路花

胭脂井

紅牙歌玉樹。翠袖翻金縷。臨春梳洗罷。調鸚鵡。陳家  
狎客。慣把江山賭。樓船天漸渡。牀下軍書。錦箋催寫  
新句。舊宮簪井欄外。青苔古。明眸秋水綠。爲黃土。  
海棠花落。一片胭脂雨。環珮歸何處。泉下芳魂。至今  
遺恨擒虎。

意難忘

爲施校書宛西作

洗盡鉛華。記苧蘿西畔。曾浣溪紗。徵歌鶯語滑。學舞  
燕飛斜。攜暮雨。掩朝霞。別館貯嬌娃。采蓮歌。魂銷千  
載。何況夫差。嬋娟偏在君家。美朱樓。畫楊柳。藏



鴉鴟弦時一弄。羯鼓醉三搥。無限恨。向梅花。清淚染。琵琶待學他。鴟夷少伯。共泛仙槎。

滿江紅

燕臺懷古

易水東流。與西去。荆卿長別。祖帳處。三千賓客。衣冠如雪。督亢圖中。雷電作。咸陽殿上。襟裾絕。恨夫人。七首竟何爲。同頑鐵。

漸離筑。笙歌咽。博浪鐵。車輪折。縱奇功未就。祖龍褫魄。一死翻令燕國蹙。九原悔與田光訣。歎千年寒水尚蕭蕭。虹霓滅。

前調

李方山歸白濱中喜而有贈

西子湖頭送君日。楊花飛雪。一萬里蠻烟瘴雨。朱門空謁。雁字不傳滇海路。蘆花正映清溪月。向莫愁村畔。話離愁。真奇絕。

磨盾志。空悲咽。題柱願。難消歇。惜白頭成錯。六州之鐵。鄉里兒曹偏面冷。丈夫拓落。因腸熱。取囊中詩卷。共青萍。燈前閱。

前調

壽李方山時年五十有一

齊魯之間。許君是鬚眉。男子歌。伏櫪壯懷消滅。肉生雙髀。草檄百蠻功未展。裹糧五嶽游方始。算春秋三萬六千場。平分矣。鴻鵠志。誰能擬。薑桂質。終難徙。



肯○隨○他○盧○橘○化○而○爲○枳○孔○北○海○豪○杯○竿○在○孟○東○野○老○  
詩○篇○美○倚○江○樓○秋○夜○共○吹○簫○魚○龍○起○

前調 旅夜聞蟋蟀聲作

試○問○哀○蝨○緣○底○事○終○宵○嗚○咽○料○得○汝○前○身○多○是○臣○孤○  
子○孽○青○瑣○闥○邊○瓔○珞○草○碧○紗○牕○外○玲○瓏○月○况○兼○他○萬○  
戶○搗○衣○聲○同○淒○切○ 梧○葉○落○西○風○冽○蓮○漏○滴○征○鴻○滅○

似○杜○鵑○春○怨○年○年○啼○血○千○里○黃○雲○關○塞○客○三○秋○紈○扇○  
長○門○妾○背○銀○釭○和○淚○共○伊○愁○牀○前○說○

雙雙燕

題佟漚白中丞伯仲漁樵圖

皤○然○二○老○似○江○左○風○流○惠○連○康○樂○綸○竿○七○尺○雨○笠○風○  
蓑○同○著○長○嘯○東○臨○海○若○攜○手○入○天○台○採○藥○從○公○看○奕○  
仙○家○擿○取○斧○柯○遺○却○ 行○脚○蒼○巖○翠○壑○笑○肩○拍○洪○崖○  
弟○酬○兄○醉○山○中○留○客○童○子○一○雙○馴○鶴○休○戀○烟○霞○高○臥○  
看○早○晚○蒲○輪○西○洛○須○倩○妙○手○長○康○重○畫○麒○麟○高○閣○

高陽臺

爲朱鶴菴侍史王郎作

何○處○逢○君○落○花○時○節○嫩○楊○乍○嘯○鶯○簧○小○閣○深○沉○鄂○君○  
繡○被○生○香○紅○牙○按○罷○渾○無○力○倚○東○風○更○換○霓○裳○背○蘭○  
缸○橫○波○偷○展○低○問○周○郎○ 東○君○爲○汝○傷○徨○倩○珊○瑚○作○



枕玳瑁爲梁。海燕同棲。一時嬌艷無雙。從此蛾眉參  
意畫。應見慣。不辯鸞鳳。漫猜他。佳人碧玉。夫婿玉昌。

念奴嬌 郭璞墓

弘農太守。挽羲輪三舍。乃心王室。龜策如神。撩躉尾  
臣命盡於今日。氣作長虹。魂歸華表。骨塋金鰲脊。馮  
夷舞罷。數聲欵乃漁笛。安得溫嶠懷中。通天犀借。  
我下窺龍國。江左夷吾。今在否。石馬沉埋。荆棘鐵甕。  
旌旗。金山鐘磬。閱盡興亡迹。中泠滿酌。一帆高挂。遙  
碧。

賀新郎 爲友人納姬作

寶鏡嬌鸞舞。恰蘭舟。迎來桃葉。香凝金縷。八月廣陵  
秋色好。吹上遠山眉嫵。問今夕。三星在戶。廿四橋頭  
明月在。倩紅牙翠管。翻花譜。情定句。爲郎補。妝成  
倦倚梅花塢。問檀郎。未諳心性。偷詢鸚鵡。咫尺蓬山  
誰得到。長是君家爲主。算只有。信陵公子。一片雄心  
無處寄。向溫柔隊裏。尋鄉土。歌且醉。成籌五。

前調 爲侍御楊琢菴題像

野鶴昂藏意。是當年。彈文柱後。楊球司隸。驄馬連錢



霄漢上騎出五侯爭避。誰信道蛾眉見忌。飄泊東南  
天地外。長五湖不待官家賜。逢醉尉防其罟。虎頭  
妙筆真無二。寫元龍豪舉。不似三閭顛顛。歷遍九州  
夷險路。惟有醉鄉堪寄。更許我入林把臂。二八嬋娟  
彈錦瑟。倩尊前暫閣英雄淚。歌既闕。唾壺碎。

沁園春

誦白髭

歎息吾衰。兩兩三三。霜雪盈頰。怪素絲若練。偷描病  
態。銀莖如戟。硬作愁媒。面目生疎。主人訝客。何所聞  
而不速來。還防汝入宮見妬。朋輩嫌猜。況逢貝錦  
蚊雷。更顛倒雌黃。蛇與虺。歎黑雲突起。九閭難叫。青  
蠅欲弔。隻影堪哀。不自我先。不自我後。汝乃乘危利  
我災。炎涼態。笑星星鬢也。果小人哉。

前調

題陳其年烏絲詞

天上張星。遊戲人間。我幸見之。羨高陽里第。門纔旋  
馬。西園公子。賦必探驪。八斗才華。五陵逸氣。壘白爭  
傳絕妙辭。旗亭上有諸伶。按拍玉笛金徽。奚囊白  
雪霏霏。信此曲從來和者稀。似秦郵太史。風流旖旎。  
渭南老子。渾脫雄奇。楊子濤溪。洞庭月冷。應有魚龍



駭且飛觀止矣。待曹王敵手。險韻重題。

前調 題孫坦夫想想園

烏有園林幻耶真耶。其如墨莊問陳家結綺空餘。晉井隋宮錦樹。但有垂楊孝子追思。悲淡肯構杖履。依稀不暫忘。歸來些。在閩風之圃。廣漠之鄉。誰言大壑舟藏。沉電馬。飈車鮮定方。譬生前嗜芟。無忘屈到。沒而尸祝。不替庚桑神所馮依。精魂來往。月榭風軒。白石牀真佳話。似桃源鷄犬。未是荒唐。

董蒼水

俞

曰先生慢調多商羽之音。秋飈拂林。哀

泉動壑。不足以喻其崢嶸蕭瑟已也。其於小令如新筆乍調。雛鶯初轉。尖佻新艷。不數齊梁子夜。此真子建天人之才。邯鄲生能不爲之咋舌汗下乎。

吳菌次

綺

曰予與觀察訂交最久。每商填詞。妙處

難脫香艷之外。另臻化境。然極厭人。撫拾黃昏芳草。細雨春風等句。以爲周秦復起。故極推觀察詞以救之。不獨爲油滑下針砭也。



施愚山閩章曰。詞固以艷麗爲工。尤須蘊藉。始稱作手。讀二鄉詞。方可謂穠纖雅潔。

名家詞鈔目錄

廬陵 聶先 晉人

長水 曾王孫 道扶

纂定

秋閒詞

長水 王庭邁人

點絳脣 春光好

卜算子二調 巫山一段雲

海棠春 南歌子

杏花天二調 臨江仙



黃金縷

破陣子

青玉案

祝英臺近

越溪春

驀山溪 二調

滿江紅 二調

水調歌頭 二調

滿庭芳

醉蓬萊

八聲甘州

三姝媚

念奴嬌 二調

東風第一枝

水龍吟

綺羅香

永遇樂

安公子

風流子

沁園春

摸魚兒 二調

蘭陵王



秋閒詞

長水 王庭邁人

點絳脣

訪友賀橋卽事

曲港萍開輕舟緩動微風起。人家能幾。一半縈流水。  
樹倚危橋帶得昏鴉語。情何許。淡烟如雨。秋在斜陽裏。

春光好

晴日麗。雨花新。正當春。船下清波陌上塵。逐情人。  
輕踏枝邊鶯路。徐看水面鴛紋。舞欲隨風歌遏雲。有。



紅裙

卜算子 和辛詞

客亦似烟霞走且如牛馬不識先生何許人世上悠悠者  
薇蕨野蕨糧柴竹村莊瓦耐得山家不壓貧  
我盍歸來也

前調 自嘲

試鞚紫絲韁一躍青駱馬腰下隨懸三尺刀我是行  
間者 榮蓋豈非榮挾彈何妨雅見獵平生有喜心  
莫謂先生假

巫山一段雲

千載風流事惟應宋玉知往來朝暮幾相思慚却夢  
無時 易得幽期許難為才子期安排雲雨待新詞  
何事竟無詩

海棠春 燈花

黃昏牕外沉沉雨冷照壁一燈如水小燄吐雙花為  
報明朝喜 榮烟黯黯搖光疊疊似對愁人細語花  
落肯重開再把燈挑起

南歌子 齋夜



掩卷深思歇。焚香妙氣迎。紙窓時過暗風聲。又有潺湲灘響枕邊生。漏向前街斷。鐘於近寺鳴。心持半偈夢來輕。消得重來愁嘆許多情。

杏花天 和史蘧菴登烟雨樓

長堤貼水芹芽短。斷烟裏猶存舊館。遊人過處鐘聲晚。日影西林落半。燕飛去。波間剪剪。垂楊柳。風開面面。憑高未許雙眸倦。且看紅霞千片。

前調 咏茶

春風摘自織織手。品名泉每携嘉友。爐香清絕堪相

偶愧為狂夫醒酒。煩悶解飲之既久。慵倦至啜之還又。心中快活難于口。不盡形容黃九。

臨江仙 放言

眼見古人今盡死。今人後又如何。文章雖是得名多。劫灰終有待。莫道不消磨。但苦人生長失意。應知鬼有蹉跎。黃錢一陌尚爭他。夜臺多少路。何處不奔波。

黃金縷 寓恒陽署後齋作

牆外轆轤聞汲井。小院門深鎖。任西風冷。留得方庭



天一頃。斜陽樹樹添鴉影。薄酒依然愁不醒。漫展  
囊書。燈落燒殘燼。獨旅中宵心易警。更深惡甚偏教  
永。

破陣子 村曉

未換林邊綠葉。初開籬下黃花。寂寂無人常吠犬。荒  
荒薄暮正啼鴉。前村秋幾家。偶墮兩聲暗雨。還開  
一縷明霞。溪浪須催風箭急。山光遙映月鈎斜。歸來  
酒要賒。

青玉案 對奕解嘲

生來未辨碁中味。但隨手如兒戲。消得日長還事事。  
無謀憑笑。忘機遍適。十局須臾既。何人苦作爭先  
計。殺路相逢早知避。戀子難時多也棄。勝不求完壞。  
無思覆省却閒心費。

祝英臺近 秋步用稼軒韻

水茫茫。烟淡淡。此地似秋浦。落葉蕭蕭。此日又零雨。  
過橋恰見前村。竹垣深護。試相訊。何人曾任。遙天  
覩。又見飛雁南來。雲中遠堪數。岐路驚心。怕聽亂鴉  
語。便歸牢掩柴門。閒愁多處。遣不得。砌邊虫去。



越溪春 湖夜

常在最高樓上坐。日夕見西湖。画船載妓。懽游徧過。夕陽徐歇。笙歌波影。淒迷山沉。雲樹城鎖。烟蕪鐘聲。近寺應多。林外噪棲鳥。夜深三里五里。緩步尋吟。覓醉無徒。夢逐梅花偏冷。人看皎月同孤。

驀山溪 春游

東風暖也。做出晴光好。走馬試輕塵。新綠徧齊齊。軟草垂楊影。裏露出幾紅桃。蜂未過。鶯聲早春到。三分了。尋芳女伴。路踏遺香。娘輕薄。那兒郎。慣欺人。追

隨。莫惱旂亭買酒。酪酏各忘歸。湖波濶。迷烟渺。遠浦漁燈小。

前調 夜集用秋嶽韻

夜還來也。更覺秋無賴。門鎖棘垣深。但相見。須償酒債。昨宵雨過。今夜月如何。愧作賦。與彈碁。適我聊為快。英雄在坐。意氣須豪邁。壯業起攀鱗。歷諸艱。成無一敗。姑言妄者。尚有夢堪誇。憑入穴。且乘車。此事君休怪。

滿江紅 漫吟



亦復奚須守蠹簡。皇皇謀食。應問我於今。誰是救時之急。科目拔人。曾得五文章。用世聊知一待。并將盤錯付他年。嗟無及。正直者徒存筆。高明者還亾室。苟行藏詳審。豈辭終逸。原憲謂貧非是病。向平讀損何如益。任南山北與北山南。堪棲息。

前調 唐濟武曹秋岳吳山倡和次韵

傾蓋非他恰宇宙。聞名相識。因結伴高城山頂。重湖橋北。載酒鳴箏。孤夜舫。尋花踏雪。雙寒屐。道人間放浪。有吾徒堪同客。情鷗鷺盟無圻。才龍虎。酌還敵。

笑榮枯影事。賢寓塵跡。頭在三公。猶是黑眼。逢一世。當為白。待重來。鴛水續清歡。寧忘昔。

水調歌頭 解嘲

造化爾何物。顛倒使人疑。可能食肉皆鄙。岩穴果多奇。假使巢由軒冕。共效夔龍勲業。優劣正難知。孰謂問津叟。未必勝長沮。各當敗。功輒幸。數多奇。射虎南山。飛將奴僕。不能如。江上坐談。劉表若使。遭逢平世。鼎足豈非宜。生亮正須爾。何事又生瑜。

前調



印佩畏親串鼎食。傾諸侯。正自不能不爾貧賤。使人羞假令王章妻子。便以牛衣終老。對泣幾時休。寄謝孔門侶。甕牖爾何求。英雄事。須慷慨。會風流。昨夜南塘出者。擊節誓還酌。行樂東山安石。捉鼻爲蒼生起。殷浩豈其儔。江上有漁父。憔悴笑靈修。

滿庭芳

旅次

葉墮霜黃。魚翻波白。晚雨還渡重湖。北來飛雁。正遇旅人孤。聞說西風信惡。冰霜驟。馬足難蘇。情須怯。行千里路。未半是長途。前宵村店。宿床支折。軸壁臥殘蘆。怪濕烟烘竈。難煖提壺。夢起幢幢燈影。征鞍促短髮寒梳。朝光黯。霜橋凍滑。中渡僕頻呼。

醉蓬萊

壽懸崖和尚六十

怪人生易老。縱入空門。亦旣衰矣。試問行年。半趙州云爾。短髮多華。倦眸微徹。但舌存遺齒。善病維摩。衆生難愈。故應如此。昨我來時。小窓晴日。吟句談經。躍然而起。世壽當知。有無生深理。墻角梅花。池頭楊柳。漏洩禪心。幾歲歲常新。看師曳杖。向春風裏。

人聲甘州

聽琴友秋鴻曲



乍○排○成○一○字○下○長○空○和○響○到○沙○中○正○晴○波○將○黯○浮○烟  
淅○淅○織○月○濛○濛○踏○盡○寒○蘆○不○定○爭○宿○意○匆○匆○深○夜○頻  
驚○醒○語○夢○猶○慵○解○有○司○更○傳○警○是○孤○雷○隻○影○夜○繞  
寒○叢○趁○朝○光○微○動○一○隊○起○霜○風○爲○呼○羣○飛○高○還○下○漸  
嘹○嘹○遠○去○入○雲○重○知○多○少○關○山○清○怨○寫○盡○絲○桐

三姝媚

和詹惟正宋宮人北舟

載○千○冤○萬○苦○繞○蓬○牕○號○聲○淚○點○淒○楚○別○話○難○尋○只○石  
塘○銜○接○去○舟○堪○數○短○纜○頻○催○怕○將○盡○三○吳○鄉○路○江○遠  
茫○茫○河○激○湯○湯○歸○魂○消○阻○粉○褪○脂○殘○衆○侶○知○都○是

深○閨○嬌○羞○兒○女○地○北○天○南○眼○前○人○誰○痛○愁○花○泣○雨○此  
後○升○沉○好○只○有○朱○門○歌○舞○針○線○多○羣○旦○夕○須○擦○塵○土

念奴嬌

咏淚

孤○心○盡○稿○怪○兩○眼○難○乾○盈○盈○猶○在○清○鏡○暗○潮○生○幾○度  
信○得○愁○根○如○海○影○落○空○床○聲○沉○遙○夜○枕○上○千○行○載○開  
箱○還○驗○石○榴○裙○色○須○改○明○是○點○點○成○珠○滿○懷○收○拾  
試○倩○何○人○賣○宿○睡○未○消○紅○粉○漫○又○有○新○痕○相○待○細○與  
絲○牽○急○於○弦○行○袖○掩○終○無○柰○滴○他○池○水○芙○蓉○垂○死○奚  
怪



前調 舟次

長風載浪。片帆輕許。壓離愁千斛。雨歇微寒。風墮盡。人遠征鴻過目。十里斜陽。孤村落葉。做得秋容足。故人南別。多情畱製新曲。可知別後長途。沙塵漫漫。短草從無綠。聞說登臨何處好。塊壘萬山成。秃魯酒。難。日。吳綿欲瘦。夢冷荒原宿。黃昏燭影對看。惟有僮

東風第一枝

和葉星期贈陳子莊來修郡志

業繼陽秋。編分越絕。絕黎光夜。煥仙院餘才。遇物生情。

賦雪咏梅。殆徧尋吟次第。已到了紅絲巢燕。越日長。點筆苔箋。不住楊花飄視。搜有句。一囊侈艷。酌以字。萬縑笑賤。諸侯愛若瓊枝。肯放庾樓興淺。陪歡記。昨看顧曲當筵初倦。想去時薄夢殘燈。醉倚一床書亂。

水龍吟 春感

夾湖十里長堤。誰家車馬香塵。轉厨呼脯。椽門邀鱗。客紫絲障就。花底篔簹。風邊裙繫。懽觴稱壽。見紛華自悅。芳菲待拾。肯追步。他人後。閉戶閑來。白晝隔。



窗○紗○啼○鶯○聲○又○鳴○琴○竹○裏○彈○碁○石○上○情○懷○依○舊○和○盡○  
林○梅○吟○殘○謝○草○儘○堪○消○瘦○笑○無○情○偏○有○不○是○傷○春○兩○  
眉○常○皺○

綺羅香 熒火

巧○入○簾○中○偷○過○扇○底○清○簾○俄○流○星○影○乍○遠○因○風○還○被○  
風○迴○吹○近○一○點○點○移○上○羅○衣○恰○信○道○秋○來○光○冷○爲○丁○  
寧○莫○去○墻○陰○且○教○畱○伴○夜○闌○永○  
滅○蘭○缸○胆○小○空○房○私○警○尚○賴○微○明○偏○照○深○更○愁○醒○疑○  
倦○眼○殘○夢○難○成○映○離○顏○孤○心○齊○耿○卜○人○歸○常○比○燈○花○

不知誰有準

永遇樂 九江風雨

千○里○飛○帆○琵琶○亭○外○舊○津○何○處○近○岸○偏○開○臨○關○偏○阻○  
淺○泊○隨○波○任○漂○散○鄰○舟○呼○號○特○地○聲○亂○長○颺○來○去○燒○  
微○明○蘆○洲○一○點○恰○照○見○城○頭○樹○  
深○夜○倉○皇○傾○墻○斷○  
纜○奔○走○長○年○無○計○對○酒○忘○斟○求○眠○失○寤○雅○量○人○何○許○  
遠○聽○鳴○鷄○漸○聽○吹○角○一○雨○沉○沉○天○曙○平○生○嘆○江○關○嶺○  
塞○百○憂○千○慮○

安公子

夜泊見村桃用柳耆卿韵



烟際絲絲雨。濛濛野水荒天暮。小艇冥冥移漸遠。過幾堆沙鷺。逗疎光人家燈火明前浦。聽鄉音楚楚村童語。近小橋收纜。微辨牆頭紅樹。此夜驚孤旅。漫尋仙境吟還竚。世上桃源隨地有。只迷津深處。想幾日啼鶯舞蝶交枝聚。將落花未爲東風苦。愧俗駕難留。誰教遣漁郎去。

風流子

憶嘉陵

東風消接雪。雲開處。吹出衆山青。見墟落炊烟十家成邑。荆榛行跡千里無亭。停車住城門。巢鵲噪衙舍。井葵生子爾閒身。凄然靜夜。半簾月影。一枕灘聲。四郊頻凝望。西南近。惟有寇壘縱橫。常畏邊烽方起。客灶偏增。豈窮困蒙憐。終當恃賊逍遙。用戒竟罷留。兵驚心最多。往事常憶嘉陵。

沁園春

春思

昨夜孤燈。今朝細雨。明日輕風。漸春吹草徧。情歸陌上。鶯知花別。語解林中。煖欲浮烟。晴知捲霧。景物撩人似恨濃。移時坐。有小橋流水。隔寺霜鐘。陰搖竹影。重重又響。入蕭疎三四松。看飛飛胡蝶。依人嫋嫋。



紛紛柳絮撲書濛濛。最是無聊。渾忘有約，悵望行途，靡所從。閒尋處。記黃公壩畔，宋氏垣東。

摸魚兒 答曹秋岳

占人間一生秋望。園林全具秋思。潛身十載棲遲後。偶出還欣歸駛。身倦矣也。自戀鐵舟橋畔迴波水。浴鷗隊裏野趣十分長。風披月臥。愛有露沾袂。關心處。在近寧。忘黨里。倉漕爲計。夫米修書萬卷。能無億要。遡興亡緣起。隨俗事。只幾日。桂丹萸紫。連催醉。知君漫寄觴咏。亦徒然。平生作達。何物使情繫。

前調 咏尊

正晴湖幾番烟雨。春光都在流水。蘋花萍葉微開處。影動纏水青縷。差可喜。中恰有。清涼一味銷新暑。堪供野箸。果滑不沾唇。肥還膩舌。脆又不勝齒。憑調酢。莫下尋常鹽豉。村廚淡泊。偏旨清波小漿。隨相取。豈待遐求千里。還自侈。稱土物。江東品。竝鱸魚美。堪勞客思。笑歸計何遲。秋風方起。採已過時矣。

蘭陵王

過晉故宮和朱竹垞

故關出千里西來路。直名城壯。烟火萬家。獨有空宮。



守亡國。銅駝棲亂棘。高闕長廊留昔。荒臺冷。風柳露  
桃。也做年年黍離泣。從前事非一笑避。非何愚。焚  
樓滋戚。金牀玉枕歌傷惻。問梁苑遺鬼。吳宮歸燕遷  
移時代誰舊識。蜀鵲正啼得。愁極。又堪釋。任砌落  
瓊瑤。梁剝丹漆。封塵尚謝他人室。為喚啓閣鎖。潛携  
游屐。多才懷古。有好句。寫粉壁。

丁荔園澎曰。先生兩總雄藩。依然布素。從不作金  
華殿中語。故其小詞。意旨超遠。有睥睨古今氣  
概。一似揮麈家言。

吳菌次綺曰。填詞妙麗。盡狂於風情。婉變殊覺鬧  
人。茲以秋闕名詞。淡雅不俚。真刻不率。何似執  
襍。穢子而服以清涼散也。讀者當以純灰三斛  
滌腸。其庶幾乎。

聶晉人先曰。向之學者。求精於詩。近來風氣。一移  
於詞。則所難又在詞矣。先生自序。尚有孰似孰



優之間。故於句法章法之妙。從不拾人齒牙後  
慧。則知先生所蘊實深矣。

名家詞鈔目錄

廬陵 聶先 晉人

長水 曾王孫 道扶

纂定

南溪詞

嘉善 曹爾堪 顧菴

搗練子 長相思

相見懽 女冠子

點絳脣 浣溪沙 二調

采桑子 減字木蘭花 三調



好事近

清平樂

朝中措

西江月

二調

少年遊

醉花陰

南歌子

鷓鴣天

二調

木蘭花令

步蟾宮

南鄉子

踏莎行

臨江仙

蝶戀花

二調

蘇幕遮

青玉案

千秋歲

御街行

洞仙歌

二調

華胥引

滿江紅

五調

水調歌頭

滿庭芳

燭影搖紅

二調

念奴嬌

三調

瀟湘逢故人慢

沁園春

賀新郎



南溪詞

嘉善 曹爾堪 顧菴

搗練子 春思

人○正○倦○晝○偏○長○夢○醒○微○聞○繡○閣○香○花○徑○尊○芳○誰○是○伴○  
金○衣○公○子○雪○衣○孃○

長相思 寄跡荒場

溪○邊○蘆○水○邊○梧○我○唱○新○詩○興○未○孤○錦○囊○隨○小○奴○樽  
常○枯○偈○常○逋○舊○識○僧○徒○和○酒○徒○年○來○多○半○疎○

相見懽 江村



水痕新漲苔磯。杏花飛江岸。蒲牙如箭。紫魚肥。蠅  
頭利爭無已。昨元非。只有子規。明白喚人歸。

女冠子 山房寒思

吳船來往。愛聽畫眉。停棹冷紅飛。石醜猶稱丈。花嬌  
却字妃。佇看千藥綻。空憶四腮肥。松鼠簷前落。已  
忘機。

點絳脣 感舊

記得黃昏。肩稍微見紅潮印。夜深低問。釀作分離恨。  
翻悔當初。合了鴛鴦枕。嗟孤另。欲通佳訊。人遠天

涯近。

前調 陸舫春思

沙暖蒲香。鳳池漲綠。晴波皺。槎黃御柳。三月春方透。  
小徑閒吟。碧蘚生鴛甃。消晴晝。雨絲拖逗。似補梨  
花瘦。

浣溪紗 曉起

樂事貧家竟不貪。疎風斜雨過城南。單紗消受嫩涼  
甘。宿硯頻催童子滌。好花頰與侍兒簪。暗將私語  
賭宜男。



前調 秋日園居

謝客微軀不願勞。病餘覺減酒狂豪。花間行礙接羅高。箇箇蔓牽黃荔子。垂垂架掛紫蒲萄。曉盛芳露和蘭膏。

采桑子 曉粧

曉風吹破流蘇暖。花滿香奩。蝶滿湘簾。拾起殘紅玉笋尖。未梳蟬鬢如雲壓。膏沐微沾。宮粉輕拈。十樣新眉懶去添。

減字木蘭花

初夏放舟郭外

垂垂紫棟四月江。心頻點燕。亭館誰家。天棘抽條出屋斜。輕舸不穩移向伍塘。風力緊晴日將西。黃犢江村水一犁。

前調 春暮

晚飄紅雨吹亂薔薇啼杜宇。綠樹新陰中有青樓惜別心。湘簾半落細聽呢喃催繡箔。心事誰傳傳語。鸚哥當錦箋。

前調 清和晝涼釀陰不雨小詞志憶

籀龍抽綠兩部笙簧池上續。猩染薔薇雪壓醪醑蝶。



亂飛。半床絃管櫻筍。風光過小滿。最憶清娛釣具。茶鎗寄五湖。

好事近 送客北遊

斯世少英雄。應笑成名監子。衰草夕陽彌望。弔金元遺壘。霜橋孤月照空囊。枯樹亂鴉起。旅館蕪菁低。照讀數行殘史。

清平樂 閨詞

眉痕頻皺。不似東風舊。欺盡孤眠寒更透。生得腰肢元瘦。梨花靜掩長門。尋常過後。幾黃昏。魂向當初銷。

盡如何。又說銷魂。

朝中措 東于小憇

平沙水漫暮潮通。亞竹野桃紅。燕子國中。佳日白鷗社裏。東風。干將故里。避喧剷跡。斗酒過從。錯字休教鐵鑄。來尋三泖漁翁。

西江月 題懸真子浮家泛宅圖和韻

有客漁焉終老。惟君賜者爲家。釣竿茶竈隔船紗。攜去隨潮上下。水口紅桃流散。山前白鷺飛斜。風波惡處舞神鴉。笑捲青簑歸罷。



前調 景陽樓

絲管競調玉樹。瓊璫暗墜金鈿。酒酣狎客劈紅箋。受  
用佳人捧硯。盡道無愁天子。還疑有劫神仙。景陽  
鐘罷最堪憐。井上胭脂零亂。

少年遊 東友

故園春到弄芳菲。人靜落紅稀。柳岸漁汀風來水面。  
鷓鴣一雙飛。柳東丙舍宵聞鶴。瀟灑芰荷衣。鱸膾  
烘鹽。蓴羹。美襍。豉何負。季鷹歸。

醉花陰 春景

烘桃熨柳春方縱。紅雨花稍重。風日近清明。幾片榆  
錢。都。筭。鶯兒。俸。冷烟堆徑。和誰共。苔補閒堦空。杜  
宇。莫。頻。啼。不。喚。人。歸。只。喚。三。更。夢。

南歌子 西湖夜汎

鏡展嬌如雪。衫輕怯受風。薄陰偏覺鬢絲濃。獨喜清  
秋無暑。畫船空。頻勸杯中綠。微添酒後紅。銀箏一  
曲。手。玲。瓏。見。有。檀。痕。低。指。印。酥。醕。

鷓鴣天 秋邸

草綠閒庭曉露清。棗紅簷角媚秋晴。鸚哥簾底頻頻



喚鴉舅堦前細細生。銅箭靜石床平。遊仙不與換公卿。櫻鞦翦笠蛇條杖。好向緱山頂上行。

前調 冬日小集

赤葉樓頭好醉看。高歌一曲笑彈冠。剖香橘柚吳姬手。撮細蒲萄燕市盤。紅袖側。易為歡。多情莫厭酒杯殘。惟耽杜牧風流句。不點明犀也辟寒。

木蘭花令 秋憶

木瓜香徧鍾山道。桂子倩人斜插帽。歌搖朱雀桁前。花酒濺烏衣堂下草。十年浪跡浮雲杳。畫檻生烟。

無客到。沙家零落寇家貧。若箇琵琶傳賀老。

步蟾宮 秋意

木犀香吐金英細。碧水畔。金風如洗。高樓一夜對嬋娟。髣髴在廣寒宮裏。疎風淡漢無纖膩。坐漸覺。露華微泚。頰桐葉底。闔鶴鶉空攪亂花陰滿地。

南鄉子 贈紅兒河陽妓

停酒按紅牙。蘇合香濃掠髻鴉。秋水模糊偏可惜。天斜十五娉婷早破瓜。愁恨徧天涯。飛絮啼鶯是妾家。莫道臙脂開未足。驚誇却占河陽一縣花。



踏莎行 長安秋思

碣石岩嶢。崆峒突兀。龍蟠鳳翥圍宮闕。昆盧閣上望神州。人烟幾點青如髮。北海壺觴。西城鞦韆。薊門斗酒狂歌發。金元戰壘草黏天。黃沙萬里懸秋月。

臨江仙 寄西湖友人

萬疊玻璃開曉鏡。畫橈隨處堪停。杏花村渚倚紅亭。遠山平。仲綠幽徑寄奴青。學士橋邊睇髮嘯。扶筇應到南屏。鶯啼深柳待同聽。仙人吹鐵篴。小妓索銀餅。

蝶戀花 秋暮

一把黃茅新蓋屋。簷角低低。為避西風肅。欲向東籬重繫菊。荒園所得湘君竹。蟋蟀寒吟聲不足。楓樹垂丹。還有些兒綠。九月霜痕融似玉。空堦迸下紅榴肉。

前調 將發廣陵留別穆倩于呈無言

驪唱催人秋未暮。兩鬢霜華。祇為浮名誤。三五嬋娟垂白露。一鞭竟別揚州去。尊酒猶思良夜聚。小店晨鷄。月落餘烟樹。回指紅橋堤畔路。油幢烏榜年年。



度。

蘇幕遮

全椒道人

冷風尖殘月小野徑高低刺眼橫蒼篠。茆店孤村偏起早。輪與閑鷗靜立寒汀皎。策輕車。攜布帽。客路年年。短髻霜深了。江滸青山屏幃繞。烟柳無情斷送人昏曉。

青玉案

訪蔣存魯南湖園居

寒汀細雨鵝鵲喚。維小艇蘆花畔。堂下殘荷香已斷。竹都消粉。梅纔破蠟。紙帳垂銀蒜。幽人詩興偏凌

亂清絕。林塘寄柔翰。秋水南華供把翫。公和解笑。步兵解哭。懶解嵇生鍛。

千秋歲

夏日題壁

池塘清思。菡萏紅生膩。涼正嫩。人初起。榴殘猶灼火。竹穉齊搖翠。聞巧。弄畫眉。能攪西堂睡。栢子抽烟。細。蟹眼潮剛沸。時坐卧。濃陰底。屐黏苔。蘚暈衣。惹。醱。曠刺還生受。桃笙篔簹滑凉于水。

御街行

春遊

墻邊桃靨晴微逗。楊柳弱枝垂瘦。平郊花草逐人香。



都是黃蔬青豆。誰家少婦踏青歸去。不省釵鈿溜。  
無情嫩綠江邊鬪。喚起迭翻新奏。暖風引出汗微香。  
沾上遊春衫袖。怪他江水晴波有暈。似學睂兒皺。

洞仙歌 艷集

雨黏莎徑。做新涼池館。低唱頻斟真辭滿。擁紅衫烏  
髻。倚煖偎香。稱長短。各許玉環飛燕。燈前留意處。  
隊隊繁華。急管輕圓。絡珠串。燭影動荷風繞樹。流螢  
纔數點。偏照釧蟬金雁。但雕闌畫閣。醉相等。爲粉黛  
消磨。壯心都減。

前調 曉過鶯脰湖

悲涼屈宋。重過吳江道。小市魚蝦鬧清曉。想蛟龍睡  
穩。千頃晴瀾。風色好。霜後白蘋花老。角巾還故土。  
烟月誰爭。一葦凌波。勝蓬島。茶竈筆床。隨意具呼取。  
樵青。萼絲濁醪。須倒看雙丸。寒暑織如梭。羨湖笛  
漁榔。白頭翁媪。

華胥引 蝶夢

婆娑金馬。轉盼虛空。夢中蝴蝶。燕趙佳人。良宵綺席  
偎粉靨。書生潦倒。名場薄命。元同妾。還我漁磯去。題



江○上○紅○葉○。細○雨○青○簑○。狎○波○濤○。鷺○交○鷗○接○。舒○卷○閒○雲○。  
生○疎○五○陵○豪○俠○。東○觀○殘○書○。猶○在○。偶○翻○行○篋○。魴○鯉○家○歸○。  
鄉○來○無○用○彈○鋏○。

滿江紅 春景

欲○問○春○情○。嫌○太○薄○。真○如○一○紙○粧○點○。出○飛○花○亂○墜○。遊○絲○  
頻○徙○。江○燕○不○喚○。園○舍○小○。雛○鶯○亦○愛○。池○亭○美○。草○堂○前○。聊○  
可○貯○。閒○情○。裁○蘅○芷○。江○梅○蒂○。將○殘○矣○。紅○杏○萼○。方○開○耳○。  
有○香○能○飼○蝶○。辦○堪○供○。蟻○聽○鳥○。林○間○杯○在○手○。踏○青○郭○外○。  
錫○膠○齒○。有○時○豪○置○酒○。擁○紅○粧○。忙○珠○履○。

前調 長安秋思

苑○柳○蕭○疎○。寒○信○早○。清○霜○欲○落○。看○塞○北○。飛○鴻○噉○噉○。亂○雲○  
漠○漠○。黑○闔○壘○前○。兔○走○黃○金○臺○。畔○蒼○鷹○掠○。酒○壚○旁○。擊○  
筑○者○何○人○。悲○風○作○。驅○不○散○。簷○間○雀○。招○不○下○。天○邊○鶴○。  
嘆○江○南○秋○色○。芙○蓉○池○閣○。陶○寫○縱○。憑○絲○竹○。妙○公○卿○可○比○。  
山○林○樂○鬢○。添○星○空○說○。玉○堦○高○。吟○紅○葉○。

前調 和題悔庵小影

老○友○相○於○。傷○往○事○。江○潭○楊○柳○。同○屈○指○。垂○垂○半○百○。昔○童○  
今○叟○。剪○韭○烹○葵○。諧○夙○約○。嘲○風○弄○月○。誰○稱○首○。五○湖○船○恰○。



受兩三人能攜否。莫閒却彈箏手。好緘着懸河口。  
對門前亭榭。梅妻鳩婦。生食何須求五鼎。雄心只合  
澆醇酒。笑封侯。絳灌巧乘時。元屠狗。

前調

既庭見示小影用梅菴廻韻贈之

偶賦梅花心似鐵。何妨綺語。生徒盛參同考異。軒乎  
其鼓芳草。閉門通小徑。桐陰水榻容箕踞。詠停雲無  
語。送歸鴻。時凝佇。嵇阮約。曩曾與。用舍義聊中處。  
歎餘生重見。屐拖殘雨。麴道人來稱上客。楮先生亦  
爲賓主。但劇腸。鏤腎是文章。凌燕許。

前調

思隱和梅庵韻

志在桑榆。靈雨後。星言夙駕。休更說洛陽紙貴。文章  
膾炙。舊有應劉。俱宿草。避人沮溺。唯耕稼。茂林邊。鶯  
語劇輕圓。如同話。松似纂藤爲架。蝸殼屋。魚鱗汜。  
覺此中全勝。玉堂休暇。偃蹇青衫。空有淚。清狂白眼。  
時遭罵。且都忘。獨酌看庭前。花開謝。

水調歌頭

野園卽景

簡僻辭城市。努力到東臯。塵喧不敢入耳。風日靜衡  
茅。傍屋新蒸紅柿。貼岸交垂青棟。暖旭上林梢。拄杖



聲微響有客到門敲。棘爲牆書作枕。頗清高。隨心自有樂事。恩怨等鴻毛。高大王家臺榭。婉轉謝公絲竹。今日盡蓬蒿。飲酒栽花外。何物使神勞。

滿庭芳 釣樂

釣墜蟾蜍。餌懸蜥蜴。佳詞構自奚囊。修綸一尺。獨繭下菱塘。借問魚蝦幾許。楊筐去。到處徜徉。生來性直。鈎可使不上。亦何妨。何妨終日坐。紫藤花落。白荇花香。有船名解艇。歌擬滄浪。八十磻溪野叟。名心在山。佐周皇。羊裘子。高山長水。江瀨有巖光。

獨影搖紅

閨情

杏苑春嬌。薄寒猶禁。梨花信。踏青時節。做輕陰。芳徑苔生。暈輕曳。弓鞦未穩。帶游心。芹泥微潤。鴛鴦成對。遊戲波心。雙雙相近。閒悶侵尋。淚痕猶帶紅潮印。生憎燕子入空梁。似說離人恨。金鴨篆烟方燼。晦流黃晚風成陣。十三樓畔。廿四橋邊。歸期偷問。

前調 歌席志感

宿世良緣。蓬萊弱水。看清淺。神仙會裏。捧瑤漿。碧藕排高宴。今夜流蘇半卷。到擘阮吹簫庭院。緩斟低唱。



銀○箭○頻○催○翻○嫌○夜○短○紅○袖○多○情○挑○燈○一○送○秋○波○轉○  
回○頭○慘○澹○動○離○愁○萬○里○關○河○遠○嘈○襍○華○堂○絃○管○恍○疑○  
是○夢○中○來○見○傷○心○何○處○塞○上○悲○笳○驚○飛○孤○雁○

念奴嬌 送幼光還白門同仲馭

孤○舟○初○發○正○嚴○霜○似○雪○布○帆○如○紙○一○派○殘○雲○縈○別○恨○  
愁○向○青○山○隱○几○晚○圃○黃○花○小○槽○紅○酒○客○路○誰○同○醉○蒯○  
緱○黯○淡○自○將○管○樂○爲○比○遙○念○旅○宿○方○寒○丹○陽○古○道○  
老○樹○酣○青○紫○戍○鼓○沉○沉○天○未○曉○殘○月○模○糊○映○水○白○袷○  
譚○兵○青○燈○讀○易○漫○灑○英○雄○淚○啼○烏○成○陣○石○頭○城○外○潮○

起○

前調

南○飛○鳥○鵲○繞○疎○林○三○匝○無○枝○可○寄○聊○借○遠○游○抒○翫○髒○  
莫○似○樞○如○樵○悴○山○峙○金○焦○江○來○楚○蜀○帆○繫○斜○陽○裏○中○  
流○擊○楫○氣○吞○湖○海○萬○里○雙○眼○一○望○蒼○茫○寒○濤○如○箭○  
箇○箇○牙○檣○起○舊○日○精○靈○都○已○盡○何○况○堂○前○燕○子○晉○宋○  
衣○冠○陳○隋○宮○寢○社○鼓○神○鴉○耳○佛○狸○祠○下○怒○潮○空○打○遺○  
壘○

前調 寄懷魏子時官成都司李



錦官自昔稱都會佳麗。已消兵劫。望帝魂歸城郭壞。  
月○黑○悲○帝○古○堞○劍○閣○哀○猿○刀○州○嘯○虎○蜀○棧○行○人○怯○草  
堂○無○跡○橙○林○猶○戰○風○葉○聞○說○萬○里○橋○西○子○雲○宅○畔○  
豐○草○長○林○接○爲○問○薛○濤○箋○在○否○幾○樹○露○桃○紅○靨○諸○葛  
名○垂○文○翁○教○遠○賦○緬○相○如○獵○好○尋○雙○鯉○嘉○陵○江○上○行  
躒○

瀟湘逢故人慢

重過虎丘竹亭用王和甫元韻

清陰如幄。修篁拖冷翠。猶昔行窩。漫說雀堪羅。喜桂  
叢○梅○榭○坐○遠○風○波○霜○侵○鴨○脚○墜○深○黃○槭○槭○庭○柯○舉○頭

望。五湖伊邇。好攜白恰青簑。浮漁艇。衣短後。有誰  
知。謫星載酒來過。烟水慣婆娑。擬回塘插柳。曲港分  
荷。已公茆屋。賦新詩。不礙行歌。還消受。粥魚齋磬。新  
添一箇禪和。

沁園春

周逸僧納姬

有美一人。特地鍾情。愁城病魔。向迷樓芳草。閉尋墮  
珥。竹西明月。緩度輕歌。若箇能憐。從前是恨。半掩殘  
缸卸綺羅。支餘夢。悵洗脂抹黛。密約蹉跎。欣逢才  
子來過。正三五清光分外多。喜同心。鈿合黃金可鑄。



並頭銀蒜錦幔成窩。教鵲爲橋。呼鴛作枕。今夜雙成。喚奈何。眉痕細。倩詞場。綵筆。畫遠山螺。

賀新郎 題畫

遠嶂雲千疊。望層巒空烟半捲。似明還滅。上有清泉飛一道。最可解人炎熱。石鎖處谿流如咽。下有杉松迷小徑。掛潺湲。樹頂懸晴雪。鴻濛後。氣猶結。誰人識得逃名訣。向深山結茅種竹。人跡俱絕。惡木叢中行已慣。不怕門前虎穴。閒處聽杜鵑啼血。若向畫圖呼欲出。想斯人。飢骨真清徹。長往者。是豪傑。

尤悔菴

侗

曰。近日詞家愛寫閨。稽易流狎昵。蹈揚

湖海。動涉叫囂。二者交病。顧菴獨以深長之思。

發大雅之音。如荷露新流。松風徐舉。秋高遠唳。

曉霽孤吹。第其品格在。看山渭南之間。會須呵

周柳爲小兒。唾辛劉爲傖父。予又何人。敢與之

較長絜短哉。

丁葑園

彭

曰。詞以溫帝爲則。自歐秦姜史。盛極而

衰。至明末習氣頽唐。迄今日而始盛。其猶詩之

在開元天寶歟。學士之詞。實得花間絕妙之致。



似有蘭畹金荃之麗。阮亭先生嘗謂學士詞其  
源出於幽風。一洗鄭衛餘習。其知言乎。



理